

主 编 杨世钰 赵寅松
本篇主编 云保华 阿惟爱

大理丛书·族谱篇

卷 二



大理白族自治州白族文化研究所 编

云南民族出版社

大理丛书·族谱篇

卷二

大理白族自治州白族文化研究所 编

云南民族出版社

图书在版编目 (CIP) 数据

大理丛书·族谱篇/杨世钰, 赵寅松主编; 云保华, 阿惟爱分册主编. —昆明: 云南民族出版社, 2008. 12

ISBN 978 - 7 - 5367 - 4337 - 3

I. 大… II. ①杨…②赵…③云…④阿… III. ①大理白族自治州—概况②氏族谱系—概况—大理白族自治州

IV. K927. 42 K820. 9

中国版本图书馆 CIP 数据核字 (2008) 第 209572 号

DALI CONGSHU · ZUPUPIAN

大理丛书·族谱篇

云保华 阿惟爱/主编

策划编辑 高力青 岳 坚 杨浩林

责任编辑 奚寿鼎 段 波

封面设计 何志明

出版发行 云南民族出版社

(昆明市环城西路 170 号云南民族大厦 邮编: 650032)

邮 箱 ynbook@vip.163.com

印 刷 云南省地矿测绘院印刷厂

开 本 889mm × 1194mm 1/16

总 印 张 198

总 字 数 5000 千

版 次 2009 年 6 月第 1 版

印 次 2009 年 6 月第 1 次

印 数 0001 ~ 1060 (套)

ISBN 978 - 7 - 5367 - 4337 - 3/K · 1146 定价: 4160.00 元 (共 5 卷)

大理叢書

楚圖南題



主 编 杨世钰 赵寅松

本篇主编 云保华 阿惟爱



目 录

蒙化孙氏族谱	(625)
大理阎氏宗谱	(663)
巍山朱氏历代宗支族谱	(713)
明季诰封世守漕涧武节将军早陶墓志铭	(739)
邓川阿氏族谱	(747)
腾越指挥使陈氏行状录	(979)
蒙化陈族家谱	(997)
太和喜洲杜氏家谱	(1047)
弥渡杜氏宗谱	(1063)
武陵谷姓族谱	(1085)



Contents

Sun's Genealogy in Menghua	(625)
Yan's Genealogy in Dali	(663)
Zhu's Genealogy in Weishan county	(713)
Descriptions of General Zao tao's Epitaph	(739)
A's Genealogy in Eryuan county	(747)
Actions and deeds of Commander Chen in Tengque	(979)
Chen's Genealogy in Menghua	(997)
Du's Genealogy in Taihe Village and Xizhou Village	(1047)
Du's Genealogy in Mi Du county	(1063)
Li's Genealogy in Wu Ling Valley	(1085)



蒙化孙氏族谱



目 录

简 述
孙氏族谱叙
张辰照序
纶 音
祀 典
云南等处承宣布政使司布政使行劳绩
碑志墓表
爵 秩
世 谱
春秋祭官祭仪注
祭祀仪节附
祠 规
祠堂规制
祭 田



简 述

阿惟爱

蒙化（今巍山）孙氏，原籍湖广常德府龙阳县人。于明洪武二十一年（公元1388年），孙氏始迁祖孙福随黔宁王沐公定滇蒙（化），屡著战功，诰封武略将军、蒙化卫千户，世袭蒙化指挥。继修筑城垣，浚河凿池，历代劳绩懋著。世职传至十三世，清顺治十六年（公元1659年）裁卫，世职终止。后人绍承祖泽，明代多以武功显，入清多以文章启后，进士举人科甲联芳，代不乏人。

该族谱，约修于清嘉庆年间，前列纶音而详清略明（明代纶綍散失无徵），次列祀典以纪宪恩，三列劳绩以明祖泽，四列爵秩以详世阅，五列世谱以纪宗支。至光绪年间又有增修，载有谱序、纶音、祀典、劳绩、碑志、传表、爵秩、世谱、祭仪、祠规等，今征辑入《谱牒篇》，仅供参阅。



孙氏族谱叙

陶庵先生余同年老友也，年六十始成进士事。与公孙平津类，释褐后即铎吾澂，尺简来京，以所修族谱属余为叙。夫族之有谱也，由来久矣。宋苏明允先生族谱亭记，序亲疎之别，详服制之宜，然其意若有隐刺者。陶庵先生族谱之修，则纪明威将军之忠，珙邑大尹之仁孝，密云指挥之让，徐烈女之从容就义，美植先生父子祖孙之嫺睦任卹，一一详之。呜呼，何孙氏之多贤也。夫族姓之蕃衍，在在有之。范士会之后炽於绛晋，汉岑彭之后炽於苍梧。吾滇开疆未久，士大夫族氏多从戎戍迁而来，云初之盛未克与中土比。而蒙阳孙氏以指挥从沐侯来兹，提戈跃马，历有战功；筑城濬池，著有劳绩。其子孙之继续承者，又多伟人，与其先世相辉映。然则阅先生族谱，当观其祖泽之悠长，孙枝之傑起，固非徒誇瓜瓞之衍，棣萼之华，为宗族光宠也。先生铎吾澂，春风化雨，教泽孔长，文气蒸蒸日上，宜其渐染宗人，绍承祖泽，衣冠之盛甲於蒙焉。余碌碌刑曹，西华柱笏，回忆故乡仙湖俊秀，得先生为之师，当有继美於明复者。族谱之修，特先生表扬先泽之一事。增亦乐为叙之。

时乾隆庚戌年仲春月上浣之吉
赐进士出身奉直大夫刑部直隶司主事
年愚弟杨仲增方川顿首拜撰



张辰照序

余姻家，陶庵先生铎澈之次年，季子嗣云越四年与余有婚姻之约。尺简时来，每言亲修族谱，属余商订，然稿卒未之就也。又五年，而先生下世，旅亲西归。又五年，而先生令嗣尔宜先生犹子尔发二明经，各就其稿增补之，俱未竣。又十年，而尔望、尔连持诸稿，属余点窜，俾之成书。将授梓，请叙於余。呜呼，陶庵先生，论世谊则余长兄，论儿女戚则余姻家，论学校则余先辈也。天姿浑慤，百倍其功，中年捷贤书，晚年成进士。其生平制艺，吉光片羽，沾溉儒林。而族谱之成顾迟迟若此。呜呼，著作等身可易言欤。余受而读之。

首列纶音，感恩渥也。详本朝而畧明代，散佚无徵，阙如也。次列祀典，纪宪恩也。祖宗虽往，功绩难湮，春秋崇祀，伸子孙报本之诚，著国家善善从长之泽也。三列劳绩，明祖泽也。军功如斯，筑城如斯，义绩又如斯，表祖宗积累之良深，知子孙簪纓之有自也。四列爵秩，详世阅也。在前朝多以武功显，入国朝多以文苑显。祖宗之汗马功劳，子孙之诗书气蔚，各乘其时而然也。五列世谱，叙宗支也。大宗如斯，小宗如斯。子又生子，孙又生孙，一子而生子几人，一孙而生孙又几人，瓜瓞之蕃衍，日增忠孝之貽谋特厚也。列劳绩，而庙碑、墓碑以其类附焉，文录其真纪实也。列世谱，而祭仪、祭规、祭田，以其类附焉，事不嫌琐，垂远也。呜呼，先生族谱之成，未盈卷帖，而明威将军提戈跃马之劳，金城汤池之绩，珙邑大尹居官之勤，居乡之义，密云指挥世职之议，一展卷而如见焉。徐烈女从容就义之节，美植先生三代，继承睦姻任卹之仁，一展卷而悉著焉。昔苏明允先生族谱亭记谓孝弟之心，可以油然而生，孙氏族谱又兼忠孝节让仁义而有之，宁仅族姓之繁，衣冠之盛也哉。宜先生考据之，详搜罗之，允未易成书也。呜呼，先生下世二十馀年，子姪始克终厥志。辰始克为先生叙之，惜未能质之先生，先生以为何如也。

嘉庆十七年岁次壬申立秋后二日

例勅授文林郎吏部截取知县

呈请改就学博乡进士姻愚第张辰照景园顿首拜撰



纶 音

前明世袭明威将军，历代俱有割付，及钊公任四川珙县，绍华公任密云指挥，俱有覃恩，因沧桑之后，兵火散佚，让录本朝现存者。

奉天承运，皇帝制曰：设官分职，昭器使之无遗；锡类施仁，喜覃恩於伊始。尔孙芝蔚，乃云南姚安府大姚县训导孙嗣勋之父，秉心醇樸，饬行端方，教诲怀式营私穀之勤，政事本貽谋之善。兹以覃恩，勋赠尔为修职郎，锡之勅命。於戏，一命得以逮亲，遂膺旷典；庶政期於称职，永荷荣光。

制曰：登皇路以驰驱，忠原本孝；入庭闱而侍奉，严必兼慈。尔原任云南姚安府大姚县训导孙嗣勋之母张氏，性本和柔，饬衿巩於闾内；教惟勤慎，纡章服於庭前。兹以尔子遵例急公，封尔为八品孺人。於戏，所亲邀优渥之恩，勉图懋绩；有子效靖共之谊，宜嘉芳徽。

乾隆十一年八月初九日

奉天承运，皇帝制曰：任使需才，称职志在官之美；驰驱奏效，报功膺锡类之仁。尔生员孙浩仁，乃云南顺宁府云州学正孙祚衍之父，雅尚素风，长迎善气。弓冶克勤於庭训，箕裘丕裕夫家声。兹以覃恩，勋赠尔为修职郎，锡之勅命。於戏，肇显扬之盛事，国典非私；酬燕翼之深情，臣心弥励。

制曰：奉职无愆，懋著勤劳之绩；致身有宜，酬鞠育之恩。尔姚氏乃云南顺宁府云州学正孙祚衍之母，淑范宜家，令仪昌后。早相夫而教子，俾移孝以作忠。兹以覃恩，勋赠尔为八品太孺人。於戏，贵象服之端严，诞膺钜典；锡龙章之涣汗，永播徽音。

制曰：圣朝普锡类之施，荣均有位；人子笃亲之志，源溯所生。尔徐氏乃云南顺宁府云州学正孙祚衍之生母，风规婉淑，令仪谦冲。葛藟荣枝，早分辉於樛木；兰徵叶吉，遂启秀於芝英。兹以覃恩，勋封尔为八品太孺人。於戏，宠锡自天，益懋在公之绩；勋恩逮下，式昭啓后之祥。

乾隆三十六年十一月二十五日

奉天承运，皇帝制曰：考绩报循良之最，用奖臣劳；推恩溯积累之遗，载扬祖泽。尔生员孙琪枝乃云南潞江府教授孙光祖之祖父，锡光有庆，树德务滋。嗣清白之劳声，泽留再世；衍弓裘之令绪，枯笃一堂。兹以覃恩，勋赠尔为文林郎，锡之勅命。於戏，聿修念祖，膺茂典而益励新猷；有穀貽孙，发幽光而不彰潜德。

制曰：册府酬庸聿，著人臣之懋绩；德门辑发式，昭大母之芳徽。尔赵氏乃云南潞江府教授孙光祖之祖母，箴诫扬芳，珩璜表德。职勤内助，宜家以著其贤声；泽裕后昆，锡类式承乎嘉命。兹以覃恩，勋赠尔为孺人。於戏，播徽音於彤管，壶范弥光；膺异数於紫泥，天庥永邵。

乾隆五十年正月初一日

奉天承运，皇帝制曰：资父事君，臣子笃匪躬之谊；作忠移孝，国家宏锡类之恩。尔生员孙端乃云南潞江府教授孙光祖之父，善积於身祥开厥，教子著义方之训，传家裕堂構之遗。兹以覃恩，勋赠尔为

文林郎，锡之勅命。於戏，殊荣必逮於所亲，宠命用光夫有子。承兹优渥，永庇忠勤。

制曰：奉职在公，嘉勋劳之有自；推恩将母，宜锡典之攸隆。尔陈氏乃云南澂江府教授孙光祖之母，壶范宜家，夙协承筐之美；母仪诏轂，载昭画荻之芳。兹以覃恩，赐赠尔为孺人。於戏，彰淑德於不瑕，式荣象服；膺宠命之有赫，永贲泉垆。

乾隆五十年正月初一日



祀典

云南等处承宣布政使司布政使纪录十二次军功，三次官为祈恩，援例施仁，赏给祀典事。乾隆十四年八月廿八日，奉太子少保总督云贵部堂加三级纪录十一次军功二次，张宪批本司呈详，查得蒙化府前据生员孙端等呈称，缘蒙郡有范、陈、孙三姓子孙始祖，从军开滇，定蒙建城，凿池著有功绩，均受前明千户。先年范姓子孙自建宗祠，呈请制主奉祀，蒙给春秋祭祀。彼时，孙姓尚未建祠，不敢遽请。今目击范姓邀恩，未免汗颜，因勉力自建宗祠，仰恳一视同仁。援范姓之例，俾孙姓均沐旷典等情到司。当经前司批飭，蒙化府确查孙姓始祖是何名讳，著何功勋，曾否载入志书，查明详报。兹据该同知详准，儒学申称，查孙姓始祖名福，前明洪武廿二年从军开滇，受职千户，袭至国朝顺治十六年裁卫之时，乃汰范兴，亦系千户，与孙福同时同职，著有劳绩。范姓子孙自建宗祠呈请制主奉祀，蒙前府转详上宪，予以殊典。每岁春秋本府给以腥祝鼓乐，委员致祭。在孙姓子孙，以伊始祖与范姓之始祖同职同功，范姓之祖既得邀恩，故尔援例干请，可否准行，仰祈转详。再查蒙郡新辟夷疆一乡之善士，未登国史。如蒙准行，另造事实册结详报等情，详覆到司。又经张署司批飭该府，确查范姓立祠，曾否详请具题。孙姓既与范姓同时同功，因何迟至数十年后，始行详请立祠。逐一查明分晰，取其事实现册结详报，以凭转请。继据该同知详称，遵即转行查取。随据绅士等开列孙姓始祖功绩具呈，当即查对，孙姓收存前明所存印箭黄号至范姓立祠，从前虽未经详请咨题，续奉行查，已蒙达部，现今春秋二季得邀祀之隆，而孙姓竟湮没无闻，是以有籲祀之请。兹奉批查，理合取具事实清册加结申报查核等情到司，又因报到清册仅只一套，不敷分送，复行飭取去后。兹据补取申送前来本司，复查前明千户孙福，与先经立祠之范兴同时入滇开疆定蒙，筑城凿池，著有劳绩，虽无案籍可稽，实有乡评足据。范姓既准建祠，春秋致祭，则孙姓捍卫之功自不可没，自应一体建祠致祭，以协舆情。应如该同知所请，准令孙姓自行建祠立主致祭，以垂不朽可也。是否之处，相应详请宪台查核批示遵行。等因奉批，如详飭遵，仍候抚部院批示缴册结存，奉此。本年九月初二日，又奉巡抚云南都察院右副都御史图宪批本司详同前由奉批，前明孙福既据查明，浚筑城池，永资捍卫，至今尚留人口，不忘其功，如详准自行建祠立主致祭，以协舆情。仍候总督部堂批示缴册结存。奉此，理合就行为此牌仰该同知官吏遵照来牌详奉宪批事理即便知照，听孙姓自行建祠立主，春秋委员致祭，毋违。湏至牌者，右牌仰蒙化同知准此。

乾隆十四年九月初十日